



UNIVERSITÄTS-  
BIBLIOTHEK  
PADERBORN

**R. P. Francisci Arias, Societatis Iesv Theologi, Tractatus  
Tres spirituales**

**Arias, Francisco**

**Coloniæ Agrippinæ, 1603**

Cap. 10. De alijs medijs.

---

[urn:nbn:de:hbz:466:1-59574](https://nbn-resolving.org/urn:nbn:de:hbz:466:1-59574)

IN MORTIF. SERVAND. 918

le fecet, alijs que rebus creatis, si ad vo-  
tum non seruiant, admonet eos, val-  
de conueniens esse huius modi inor-  
dinatos motus, licet sint de rebus leui-  
bus, refrenare & compescere: eo quod  
hoc vsu & consuetudine obtinetur, ve-  
rum grauiore occasione iræ alia-  
rum uel passionum, uelut dum iniuria  
uel contumelia ab alijs afficimur, sese  
offerunt, facile nos colligamus, & mor-  
tificandi nostri causa, diuina gratia o-  
pitulante, grauiora æquo animo, &  
corde tranquillo, perpetiamur.

CAPVT X.

*De alijs medijs, quibus difficultas  
mortificationis vinci  
queat.*

**I**NTER media, quæ ad amplecten-  
dum mortificationis studium per-  
mouere possunt, principem iou-  
merito sibi vendicat consideratio my-  
steriorum vitæ & passionis Domini  
nostri Iesu Christi: in ijs siquidem tan-  
quam in speculo se prodit ineffabilis  
Dei voluntas



710 DE DISCRETIONE

voluntas & caritas, qua filius Dei se p-  
terno Patri ad cruciatus & contume-  
lias pro salute nostra perferendas ob-  
tulit: Apud Romanos, teste Valerio  
Maximo, mos receptus fuit, res præcla-  
rè ab Imperatoribus alijsque belli du-  
cibus gestas mandare versibus, & can-  
tare, vt adolescentes ad eas imitandas  
inflammarentur. Sic decantata fuit  
fortitudo Horatij Coelitis, qui solus  
pro salute patriæ cum manifesto vitæ  
discrimine aduersus Hetruscorum  
copias depugnauit. Sic robur Mu-  
tij Scauolæ carmine celebratum, in-  
trepidè in luculentum ignem ma-  
num iniicientis, vt Romam liberaret,  
& hosti terrorem incuteret. Sic audax  
& temerarium facinus Curtij, qui pro  
incolumitate populi armatus vna  
cum equo se in vastum fori Roma-  
ni hiatus præcipitemegit. His ex-  
emplis Romana iuuentus incitaba-  
tur ad ardua quæque pro salute pa-  
triæ tentanda, vt immortalẽ inde  
aucuparetur apud homines gloriam.  
Publius Decius ea de causa, cum La-  
tino bello Romanam aciem inclina-  
tam videret, caput suum pro Reip.  
salute

*M. J. C. J.*

*M. J. C. J.*

*Valer. J. S.*  
*C. S.*



**IN MORTIF. SERVAND. 217**

salute deuouit, ac concitato equo in  
medium hostium agmen irruit, facta  
que ingenti strage coiruit. Cuius ex-  
emplo commorus filius, vt idem Va- *ibid.*  
lerius refert, deuotione simili æque  
strenua pugna consentaneo exitu la-  
bentes perditasque vrbs Romanæ vi-  
res correxit. Si ergo vnus hominis ex-  
emplum tantum valuit ad accenden-  
dos alios vt similia pericula vitæ, in-  
gentesque labores adirent, quanto am-  
plius mouere nos debet exemplum  
Christi, cum homo exemplo non præ-  
beat vires ad imitandum imitatori suo,  
nec præmium largiatur pro afflictio-  
nis, quam tolerat, merito. at Christi  
exemplum vtrumque præstat, nam  
& gratiam subministrat ad imitan-  
dum, & labores suo nomine perpeffos  
compensat æterna gloria.

Quis non libenter & promptè, inquit  
B. Cyprianus, calicem salutis accipiat *Lib. 3. ep.*  
quis nõ appetat gaudibundus & letus, vlt. ad  
in quo aliquid & ipse Domino suo retri *Mens.*  
bunt? quis non pretiosã in conspectu Dei  
& fortiter & constanter mortem ex-  
cipiat, complaciturus eius oculis, qui

Dd 6 nos in



718 DE DISCRETIONE

mos in congressione nominis sui desuper  
spectans volentes comprobat, adiuvat  
dimicantes, vincentes coronat, retribu-  
tione pietatis paterna remunerans in no-  
bis, quicquid ipse prestat, & honorant,  
quod ipse perfecit? Elephanti, ut est in

**Matth. 6.**

divina scriptura, conspectu sanguinis  
animantur ad pugnam: quin ergo a-  
nimetur Christianus ad pugnam in-  
eundam contra se suasque passiones  
conspecto pretioso sanguine filij Dei  
pro se effusi? Certe exemplo Christi  
longè promptius sancti martyres dicitur  
se obicere supplicij, quàm un-  
quam Curtiorum, Deciorum, què exem-  
plo Romani: hi enim ex mera temeritate,  
& nimia famæ & exultationis  
cupiditate manus violentas sibi intu-  
lere, & repentiâ sibi procuravere  
interitum, at martyres Christiani mag-  
na pace & hilaritate animi ad crucia-  
tus diuturnos, acerbissimasque pœnas  
se obtulere, nō pro sua, sed Christi glo-  
ria. Phileas Episcopus sanctus, agens  
de martyribus, quos suis ipse oculis  
conspexerat sanguinem pro Christo  
profundere, Gloriosi, inquit, martyres  
mortem pro Christo oppetere, exclu-  
so omni

**Bas. l. s. c.**  
ro.



IN MORTIF. SERVAND. 719

so omni metu. & tamen tam atrociam  
erant tormētia, vt verbis exprimi non  
queant, nec facile quisquam crederet tā  
dura fuisse, nisi qui præsens viderit. Ve  
rū quid eos permouere poterat vt tā  
ta supplicia sustinerent cum gaudio?  
Respondet: quia oculos mentis con  
tinuò in Christum Dominum inten  
tos habebant, qui cum esset Deus, fa  
ctus fuerit homo, & humiliarit se vsq;  
ad mortem crucis. Hoc Christi exem  
plum quod sanctos martyres commo  
uit ad subeundum martyrium, mouit  
& ceteros Dei seruos ad assurgenda  
voluntarias poenas, & affectus suos  
mortificandos, ac nos quoque meri  
tò mouere debet, vt cū illis conformes  
fuerimus in passione, simus etiam so  
cij in gloria & fælicitate æterna.

Iam verò & alia consideratione ser  
uus Dei ad persequendum mortifica  
tionis studium non parum incitari po  
test: si nempe animo repuret, quanta  
homines huius sæculi incommoda su  
stineant pro alicuius & temporalibus  
fortunæ bonis. Quid non facit famu  
lus in gratiam sui principis, vt fauorē  
illius benevolentiamque conciliet.

Dd 7 cri-



720 DE DISCRETIONE

exiguumque salarium, quod minimum cum vita terminatur, obtineat. Quos non labores tolerat noctu dumque aperto capite ad nutum expectans, si quid imperare veli? quoties exspectare auribus debet scommata, gravissimasque iniurias, quoties intempestas suscipere profectiones, caelo æstuoso, gelido, pluvio, cum iactura sanitatis & vitæ suæ, omniumque quæ annis multis incredibili sudore coacta vauit? Quas non molestias patitur agricola, ut frumenti aliquid cumulet ad sustentandam familiam? Multos menses frigoribus hibernis, solisque ardoribus vritur, solum proscindit, arat, seminat, occat; frumenta ubi maturuere metit, in fasces colligit, in horreum inuehit, excutit, purgat, denique sollicitus est ne casu aliquo fortuito totius anni labores pereant. Hoc exemplo B. Iacobus in epistola sua hortatus est fideles ad perferendas fortissimo huius vitæ afflictiones & molestias. Iam quid non patiuntur nautæ in mari, quid mercatores suas merces cum summo discrimine deportantes ad extremas Indias, aliasque regiones

rem.

607. 50



IN MORTIF. SERVAND. 721

remotas? Quot noctes humi sub die  
transigunt, niuibus, & imbribus, gra-  
uibusque cæli iniurijs? quam male  
conditis vescuntur cibus, quam puti-  
da aqua sitim leuant? quot agitantur  
terroribus? Quoties pyratarum, latro-  
num, naufragij, aliaq; discrimina sub-  
eunt? Has ærumnas & calamitates  
si homines sustinent pro vilissimis hu-  
ius mundi bonis, quæ vno momen-  
to instar florum campi euanescent &  
marcescunt, ad pacendum corpus  
mortale, quod cras in puluerem redi-  
getur: quanto æquius corporis passio-  
numque suarum mortificationem a-  
liquam sustinere debent, vt aliquan-  
do sempiternis fruantur regni cæle-  
stis bonis, ad pacendam animam su-  
am, quæ nunquam morietur?

QVID verò iam dicemus de  
quibusdam cæcis huius mundi ama-  
toribus, qui, vt importunæ cupiditati  
faciant satis, durissima quæque perfe-  
runt? iniuriam quis passus est, quid nõ  
molitur vt vindicet? lorica ferrea se  
onerat, nocte somnũ capere nequit,  
cibus



sibi nulla cum voluptate capit, ir-  
 ruit in apertum discrimen carceris, tor-  
 mentorum, & mortis. Alius ut turpi  
 & fædo amori pareat, facultates om-  
 nes dilapidat, noctes totas vigilat, stul-  
 tis vnius vanissimæ mulieris iussis ob-  
 temperat, manifestis honoris & vitæ  
 periculis se obijcit. Hæc si seruus Dei  
 sedulo perpendat, quomodo non ani-  
 mabitur ad faciendum pro Dei amore,  
 quod isti faciunt amore hominum, &  
 rerum terrenarum? quomodo non li-  
 bentius dura perferet ad præstandam  
 voluntatē Dei id consulentis, quā suis  
 cupiditatibus obsecūdet ad perficiē-  
 dā voluntatē diabolice? cur nō faciet pro  
 vita, quod illi faciunt pro morte? Qua-  
 ratione negabit se posse aliquid tole-  
 rare pro pace, & gaudio spiritali  
 animæ, gloriaque caelesti, cum  
 illi eadem tolerant pro  
 condemnatione &  
 cruciatibus æ-  
 ternis?

## CAPVT. XI

*De alijs medijs, quibus difficultas  
 mortificationis vincit.*

144.

CA.